

Ս. ԷՋՄԻԱՅՆԻ ՍՏԷՐԷՍՍԿՈՊԻՔ ՊԵՏԿԵՐՆԵՐ

Պ. Վրոյրը ձեռնարկել է մի գեղեցիկ գործ, որի սկզբը դրել է մեր մէջ հանգուցեալ Յ. Քիւրքչեանը, այն է՝ պատրաստել հայրենի վանքերի ու այլ աւերակների ստէրէօսկօպիք պատկերները: Մեր խմբագրութեան ուղարկուած են այդ պատկերներից ս. Էջմիածնի զանազան տեսարանների ընդօրինակութիւններ, որոնք բաւական յաջողուած պատկերներ են:

Պ. Վրոյրի մեզ ուղարկուած ցուցակից երևում է, որ առայժմ պատրաստել և հրատարակել է հետևեալ ստէրէօսկօպիքական պատկերները:

ԳՈՒԳԱՐԱՅ ԱՇԽԱՐՀ. Հաղբատի, Սանահնի, Սևորճեաց ձորի և չրջակայքի նշանաւոր վայրերի տեսարաններից բաղկացած. (գինը 25 պատկերի Ա. մաս. 6 ռ.)

ԱՆԻ Ա. մասը. 50 պատկերներից բաղկացած (գ. 10 ռ.):

ԱՆԻ Բ. մասը. նոյնպէս 50 պատկերներից բաղկացած (գ. 10 ռ.):

Ս. ԷՋՄԻԱՅԻՆ ՆԻ ՇՐՋԱՆԱՅՔԸ (Ս. Էջմիածնի հիմնարկութեան 1600-ամեակի առիթով Ա. մասը 25 պատկերներից բաղկացած—Ս. Էջմիածնի, Գայիանէի, Հռիփսիմէի, ձեմարանի, Զուարթնոց նոր պեղուած եկեղեցու և այլ նշանաւոր տեսարաններ. (գինը 6 ռ.):

Սե պատրաստուում են հրատարակութեան համար ԱՆԻԻ Գ. մասը, Գեղորդունիք, Սիւնիք, Արարատ և Շիրակ:

ՆՈՐ ԶՈՒՂՍԵՒ ԼՐԱՅԵՐՔ

«Իւզանդիօն» լրագրում կարդում ենք, որ Մպահանի մօտ գտնուած Նոր-Զուղայի Ամենափրկչեան հռչակաւոր վանքը, որ ունի իւր տպարանն ու մատենադարանը, սկսել է հրատարակել մի ամսաթերթ «Նոր-Զուղայի լրագր» անունով իբրև զուտ թեմական ամսագիր, որ պէտք է կարևոր եկեղեցական, դպրոցական ու թեմական տեղեկութիւններն ու չրջաբերականները հաղորդէ Պարսկա Հնդկաստանի վիճակին: «Նոր Զուղայի լրագրի» առաջին համարում գետնդուած է եղել այդ թեմի հայերի վիճակագիրը, որոնց թիւը համարուած է 40,000 հոգի, բացի Հնդկաստանի, Բիրմանիայի և Զաւայի հայերից:

ՆՈՐ-ՆԱԽԻՋՆԻՍՆԻՑ

—Նոր-Նախիջևանից հաղորդում են մեզ հետևեալ տեղեկութիւնները: